

A Munaur a Pas ane Jon

A warwara talapor nigo

A pas ne e Jon i tumusi. I tumusi tetek a hane, ika a galis a tena tastasmanla la nuki mang a hane i a warwara larlar ana lotu, pa na natnatna i a warwara larlar ana tena tortorotla. Ning e Jon i tumtumus oe tasna hane a hane ning, i warwara ana lotu ting na ning a hanua masuk.

Te na pas ne i atai la mang lar mang artalai sur la, pa lar tai alar la kusun a asasongo na tena asaerla.

A tinan ana Munaur a Buk ane Jon:

A kamkama buk ne (1-3)

A marmaris (4-6)

A atumarang kusun na tena asasongo (7-11)

A ararop a warwara (12-13)

¹ Iau e Jon, ning a ningnigo ana lotu, a tumtumus tetek u, a hane ning e God i aslang pas u, pa na natnatum, ning a mang kol sur mulo ana momolna. Pa bel iau ka, mila rop otleng ning mila tasman a momolna.

² Mila mang sur mulo, anasa ana momolna ning i laun ondala, pa ir kes tikin taum ondala.

³ A marmaris, a wakak a toltol pa balmolmol ta e God, a Tamandala, pa e Iesu Karisito e Natnalik, ir kes taum ondala ning dala kes ana momolna pa dala mang artalai sur dala.

Dalar mang artalai sur dala

⁴ A gas kol ning a longori mang na natnatum la mur a momolna, arlar ana warkurai ning a Tamandala ka saran tari tetek dala.

⁵ A wakak a hane, onone a nunung u sur dalar mang artalai sur dala. Bel a tumus ta tona warkurai tetek u. A warkurai ka ning dala longor tari tagun nating ot.

⁶ A marmaris i manglarne: Dalar mur a warkurai ane God. Anuna warkurai, ning mulo ka longor tari tagun nating, i manglarne, mulor laun ana marmaris.

Mulor tai alar mulo kusun a tena asasongola

⁷ A galis a tena asasongola ning la puai mang e Iesu Karisito bel i hanot a barsan momol, la ka han sarara te na rakrakan hanua. A ngas a tarai ning, la na tena asasongo, pa la na hiruala ane Karisito.

⁸ Mulor tai alar mulo sur gong mulo suah sen a utna ning mulo ka titol suri. Ika, mulor tur rakrakai sur mulor kibas pas anumulo a kidol a arlou.

⁹ La ning la han masik kusun a asaerla ane Karisito pa bel la muri, e God bel i kes onla. Ika la rop ning la mur a asaerla ne, a Tamandala pa e Natnalik dia kes onla.

¹⁰ Ning tik ir han tetek mulo anal asaer ning bel i arlar ana asaer oe Karisito, gong mulo gas pasi pa mulo ben kasi uting na numulo na rumaila.

¹¹ Ning tik ir gas pasi, i arnangai ana nuna laulau a titolla.

A ararop a warwara

¹² A galis a utna ning ar tumusi tetek mulo, ika bel a mang sur ar tumtumus ana paka buk pa pen. A nuki mang ar geren mulo, pa dalar arngosoi taum par awara mulo, sur a gasgas anundala ir itna kol.

¹³ Na natnat a tasim hane, esaning e God ka aslang pasi, la saran anunla marmaris tetek u.

A Wakak a Warwara ane God
The New Testament in the Label language of Papua
New Guinea

Nupela Testamen long tokples Label long Niugini

copyright © 2023 Wycliffe Bible Translators Australia

Language: Label

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2026-02-02

PDF generated using Haiola and XeLaTeX on 11 Mar 2026 from source files dated 2 Feb 2026

13fa0832-6e31-5347-b6eb-57b79224ca94